

Lehenengo soldadu espainiarra hil da Golko Persikoan

Kabo profesional batek misil jaurtigailuaren kolpea jaso zuen buruan

Romero Romero Golkoan dagoen 'Numancia' fragatako kabo lehenaren gorpua gaur iritsiko da seguraski Espainiara. Istripua froga tekniko bat egiten ari zenean gertatu zen, buruan jaso zuen untziko misil jaurtigailuaren kolpearengatik Abu Zabiko ospitalera zeramatenean hil zen goizaldean.

JOXEMI SAIZAR / DONOSTIA

Aurelio Perez Giraldak, Espainiako enbaxadorea Abu Zabin (Emirgo Arabiar Batuak), eta Marco Franco untziko komandanteak gorpua Espainiaratzeko gestioak hasi dituzte. Istripuaren arrazoak eza-gutzeko beharrezkoa den informazio tekniko ireki da. Epailea ere izendatu da eta laster joango da Golko Pertzikora.


Untziko agintariek esan dutenez, Ignacio Romero, San Fernandon (Cadiz) jaioa, hango 1.35etan, sistema kontroleko gelan zegoen zerbitzuan, itsasuntzia Golkoko uretan nabigatzen ari zenean, Abu Zabitik 200 itsas milatara. Gela horretatik atera eta jaurtigailura joan zen. Seguraski honen mugimenduarengatik gertatu zen istripua. Untziko sendagileak atenditu ondoren, kabo lehe-

na, medikuarekin batera, ospitalera eramán zuten, baina hilda iritsi zen buruko traumatismoarengatik.

Defentsa ministeritzak hildako kabo lehenaren expediente pertsonala nabarmendu zuen eta bere bizitza profesionalean zehar kalifikazio altuenak lortu zituen. Bere inizatiba handia eta errespontsibilitate zentzua azpimarratu ondoren, Ignacio Romerok destinatua zegoen arma sistema sakonki ezagutzen zuela zehazten du. Nazio Batuek Iraken aurka agindutako enbargo zaintzen dagoen 'Numancia' fragatako kabo profesionalaren heriotza asko sentitzen duela adierazi du ministeritzak. 'Numancia' fragata urriaren 31ean abiatu zen Rotatik (Cadiz) eta 'Santa Maria' fragata azaroaren 12an ordezkatu zuen Djiboutin.

«EZ Felipe Gonzalez ERABILI Espainiako presidentek Ignacio MALTZURKI» Romeroren heriotza istripu bat izan dela eta ezin dela maltzurki erabili adierazi zuen Espainia eta Portugalen arteko gailurrera zihoanean. Istripua beste edozein tokitan gerta zitekeela eta kabo lehenaren senitatekoei Gobernuaren izenean bere dolumina adierazi ziela esan zuen.

Alderdi politiko guztiek doluminez jaso zuten berria. Eduardo Martin Noval sozialisten bozeramaileak «Cartagenan edo beste edozein toki-



Istripua asteazkeneko goizaldean gertatu zen soldaduak seinalatzen duen tokian.

✓ Istripua gertatu ondoren sendagileak ikusi zuen zauritua, baina Abu Zabiko ospitalerako bidean hil zen.

tan gerta daitekeen istripua» izan dela seinalatu zuen eta unti hauek Golkoan egotearekin erlaziorik ez dutela. PPko Luis Ramallok hau bezalako kasu «mingarrietan» Gobernuaren aurka erasotzeko ez dutela aprobetxatuko adierazi zuen. Carlos Carnero IUko ordezkariek soldaduskan soldaduen seguritate fisiko eta sikikoa ziurtatu behar dela esan zuen. Antonio Romerok, alderdi be-

reko diputatuak, Espainiak unti militarrekin ez zuela parte hartu behar Golkoko gatazkan adierazi zuen, baizik eta bide diplomatikoak erabiliz. Untzi espainiar guztien itzulera eskatu zuen.

Francisco de Asis Benitez Riadeko enbaxadako idazkaria leherketa batengatik izan zela istripua deklaratu zuen hasiera batean. Kanpo Arazoetako ministeritzak informa-

Patu txarra

Ignacio Romero Romero, 22 urtekoa, San Fernandon (Cadiz) jaioa, lau senideen arteko bigarrena zen. Aita, Antonio Romero Camacho, kimikoa da, Armadako funtzionaria, San Fernandoko La Carraca artsenalean destinatua. Ama, berriz, Mercedes Romero, OHoko irakaslea da San Fernandoko San Ignacio eskolan. Familia El Almendral urbanizazioan bizi da.

Hildako kabo profesionalaren 25 urteko arreba zaharrenak adierazi zuenez, istripuaren berri asteazkeneko 00.00etan izan zuten, gertatu bezain pronto. Anaia gazteenak, 15 urtekoa, une zail hauetan bakarrik utz dezaten eskatu zien kazetariei. Ignacio Romeroren gurasoek eta anai-arrebek gorpua gaur bertan espero dute San Fernandon.

Antonio Moreno Olmedo San Fernandoko alkatea hildakoaren familia bisitatu zuen eta udalak Konstituzio eguna ospatzeko prestatuta zeuden ekitaldi guztiak suspenditzea erabaki duela esan zuen.

'Numancia' fragata Golkora abiatu zenean, aldizkari bati egindako adierazpenetan, unti horretako kabo lehen profesional batek «patuan sinisten dut, hiltzen banaiz hala gertatu behar zitzaidalako izango da» aitortu zuen.


Hiri-auzo bazter utzietaz frantses gobernua kezkatutik dago

L. ETXEZAHARRETA / BAIONA


Mitterrand lendakaria, asteartean eta Michel Rocard Lehen Ministroa atzo, hiri-auzo baztertueta mintzatu dira. Bihar gobernuaren mintegi batek gai bera aipatu du. Hiri-auzo batzuek arazo larriak sortzen dituztela, azken aste hauetako jazarketa batzuek azpimarratu dute, Vaulx-en-Velin-eko gataskek bezala. Imigratuen ghetto bilakatuak diren gero auzo horik, eztanda egiteko baldintzak dituzte hiri handi gehien-nahetuek.

Lyon-etik hurbil, Bron hirian ospatu Jardunaldietan Mitterrand-ek hitzaldi luze bat bota zuen, sei neurri nagusiren inguruan proposamenak eginez. Lehenik, 400 auzo bazter utzien aldeko plan orokor bat bideratuko dela jakin arazi du. Ahal berriak izanen dira, departamendu-eko prefetek botere berriak izanen dituzte. Horren gainetik, Hirien Ministeritza bat zutik ezarriko da. Honek 15 ministeritzen arteko koordinazioa bideratuko du. Ahal ekonomikoak lotuko dira, hiri handi aberatsei gehiago galdeginez pobreenen alde. 1995 urtea arte plan berri hau eremanen da.

Lehen erreakzioek, erakusten dute auzo horietan lan egiten dutenen artean konfiantza gutxi dela 'diskurtso ederretan', eta erraiten da nola duela hamar urte hitz emanak ez zirela obratu. Michel Noir, Lyon-eko auzapezak RPR ekoak proposamen horietarik batzu onartzen ditu, baina beste hautetsi asko bezala dudak agertzen ditu. Mitterrand-ek «elkartasun nazionala» eskatu du enpresei, inbertsioak holako auzoetan egin ditzaten.



François Mitterrand.



Urriak 31ean Golkora abiatu zirenetako bat ez da bizirik itzuliko.

**JULIO
KAGETA**

KIOWAK

POTTOKA

SS-77



25 euskal liburu eta
disco azoka
1990eko abenduaren
6, 7, 8 eta 9an

DURANGO

OIHUKA C/. Amaya, 2 B - 4º B - Tfno. 22 93 85 - 31002 Pamplona - Iruñea

erein
argitaletxea

Euskal kulturaren zerbitzuan

kreatibitatea eta kalitatea

Tolosa Etorbidea, 107
Telf.: 21 83 00 - 21 82 11
20009 DONOSTIA